

通鑑明紀

一  
玉  
六  
冊  
玉

明紀卷第五十三

賜進士出身工部候補主事虞衡司行走陳鶴養

卹贈知府銜給雲騎尉世職內閣候補中書孫男克承參訂

莊烈紀二起崇禎四年辛未訖崇禎七年甲戌凡四年

卷五十三

四

四年春正月己卯神一元塞寧塞陷保安 丁酉御史吳姓振延緩饑民以十萬金往李繼貞少之帝不聽 己亥召對內閣九卿科道及入覲兩司官於文華殿命都察院嚴核巡按御史 中允黃道周三疏言錢龍錫不宜坐死罪忤旨貶秩調外倪元璐請以己代道周謫帝不允檢討徐汧疏頌道周元璐賢因自請罷黜帝詰責汧言推賢讓能盡臣所務難進易退儒者之風聞者陛下委任之意希注外廷防察之權輒逮閤寺默窺聖意疑貳漸萌萬一士風日賤宸襟日移明盛之時爲憂方大不聽 寧夏總兵官賀虎臣副將李卑救保安賊引河套數千騎挫虎臣軍會副將張輝昌偕游擊左光先擊斬神一元一元第一魁代領其眾棄城去二月壬子圍慶陽分兵陷合水 三月丁丑張應昌等擊敗神一魁慶陽圍解總督陝西二邊軍務侍郎楊鶴移駐寧州一魁求撫送還合水知縣蔣應昌別賊拓先齡金超鵬過天星田莊獨頭虎等亦先後降癸未鵠設御座於城樓賊跪拜呼萬歲鶴宣聖諭令設誓或歸伍或歸農賊陽應之立赦其罪鵠又一魁最彊致其壻帳中同臥起一魁果至數以十罪則稽首謝即宣詔赦之畀以官處其眾四千餘人於寧塞使守備吳宏齡護焉已而羣賊相繼復叛 御史姜思睿陳天下五大弊曰加派病民曰郵傳過削曰搜剔愈精頭緒愈亂曰懲治愈甚積愆愈多曰督責愈急蒙蔽愈深忤旨切責思睿應麟從子也 吏部尙書王永光罷溫體仁用都御史閔洪學代之凡異己者以部議論罷而體仁陰議其事又用史莖高捷及侍郎唐世濟副都御史張捷爲腹心 夏四月庚戌禱雨 辛丑詔廷臣時政多詩緩刑乃免張鳳翔易應昌李如楨等死遣戍邊衛 洪承疇受降卒命守備賀人龍勞以酒伏兵擊斬三百二人 巡撫陝西都御史練國事帥參將張全昌趙大允等連破點燈子於中部邵陽韓城又破別賊於宜君雋川降其魁李釐王承恩張應昌擊走不沾泥於米脂時杜文煥等分勦賊澄城宜川耀州白水斬首千九百有奇 是月曹文詔克河曲嘉允脫走 五月甲戌大旱步禱於南郊 胡應台等乞有錢龍錫給事中劉斯球繼言之庚辰戊龍錫定海衛龍錫出延儒言帝甚怒解技殊難溫體仁陽曰帝固不甚怒也 梁廷陳居中樞所陳兵事多中機宜帝甚倚之然頗挾數行私 朝論所重給事中葛應斗劾袁宏勛納參將胡宗明金請屬兵部廷棟亦劾宏勛及張道濬通賄狀宗明道濬俱下獄兩台王永光私人也廷棟謀并去王永光以己代之得釋兵事永光遂由此去御史水佳允宏勛郡人也兩疏力攻廷棟廷棟疏去帝猶慰留初廷棟薦通判安國棟爲

職方主事主括漢撫賞事國棟頗爲奸利廷棟庇之會佳允坐他事左遷行人司副復發兩人交通狀并列其賄賂將領數事  
事俱有跡廷棟危甚賴中人左右之得閒住去 錢象坤素負物望與溫體仁同官無附和跡梁廷棟之被劾也不待旨即奏  
辨廷棟故出象坤門水佳允疑象坤泄之語侵象坤周延儒以廷棟嘗發其私人罪惡之并惡象坤象坤遂五疏引疾六月  
丁未致仕 王嘉允轉掠至陽城南山曹文詔追及之其下斬以降其黨乃推王自用號紫金梁者爲魁自用結羣賊老獬  
曹操八金剛掃地王射塌天閻正虎滿天星破甲錐刑紅頂上天龍蝎子塊過天星世王及高迎祥張獻忠等三十六營眾  
二十餘萬聚山西米脂人李自成者迎祥甥也與獻忠同歲生充銀川驛卒善騎射剛狠無賴數犯法知縣晏子賓捕之將置  
之死脫去爲屠至是往從迎祥號闖將 秋七月甲戌王承恩敗賊於鄆州降賊首王天龍 李老柴獨行狼攻陷中部田近  
菴以六百人守馬欄山應之 點燈子入山西沁水張銓父五典度海內將亂築所居寶莊爲堡堅甚及是賊至五典已沒  
銓子道潛等官京師獨銓妻霍氏在眾請避之曰避賊而出家不保出而遇賊身更不保等死耳盡死於家乃師僅僕堅守賊  
環攻四晝夜不克而去副使王肇生名其堡曰夫人城鄉人避賊者多賴以免 八月癸卯賀虎臣擊斬賊劉六於慶陽 初  
登萊巡撫孫元化議撤島上兵於關外規復廣寧及金海蓋三衛遼東巡撫邱禾嘉議用島兵復廣寧義州右屯梁廷棟慮其  
難以咨孫承宗承宗奏言廣寧去海百八十里去河百六十里陸運難義州地偏去廣寧遠必先據右屯方可漸逼廣寧又言  
右屯城已壞修築而後可守築之敵必至必復大小凌河以接松樹錦州錦州繞海而居敵難陸運而右屯之後卽海據此則  
糧可給兵可聚始得以漸而進奏入廷棟力主之遂築大凌城命祖大壽何可綱督工部檄促城甚急大壽以兵四千據其地  
發班軍萬四千人築之護以石砦土兵萬人禾嘉往視之條九議以上會廷棟罷去廷議大凌荒遠不當城撤班軍赴薊責無  
鎮矯舉令回奏禾嘉懼盡撤防兵畱班軍萬人輸糧萬石濟之及是工竣我  
大清以十萬眾至丁未圍數周掘壕築牆別遣一軍截錦州大道城外埃臺皆下城中兵出悉敗還承宗聞之馳赴錦州禾嘉  
亦至承宗遣總兵官吳襄宋偉與禾嘉合兵往救離松山三十餘里與

大清兵遇大戰長山小凌河間互有損傷詔尤世威赴援世威護陵不得行言左良玉可代帥兵往昌平督治侍郎侯恂遂薦  
良玉爲副將良玉戰香山杏山下錄功第一 丙辰何如寵致仕 給事中傅朝佑劾周延儒以機械變詐之心運刑口舌責  
之術結袁宏勛張道潛爲腹心損錢象坤劉宗周於草莽傾陷正士加之極刑曰上意不測也懷竊明 許之心運刑口舌責  
然也陛下因早求言則恐其傷已過故削言官以立威陛下慎密兵機則用以箝人口故挫直臣以自播諸朝右曰吾意固

欲往時糾其罪惡者盡

通示逐而親知卿曲徧列要津大臣之道固如是乎御史路振飛劾周延儒卑污奸險黨邪醜正所立斥以清揆略給事中吳執御亦劾其姻親陳于泰幕客李元功等交關爲奸利皆被旨切責御史謝三賓言楊鶴請慶陽撫局既畢賊散遣俱盡中部之賊自天降疏下巡按御史吳牲嚴奏姓言鶴主撫誤國帝怒甲午逮鶴下獄以供承疇代之練國事戴罪自贖臨洮總兵官曹文詔帥參將艾萬年連敗點燈子於聚落鎮花地密霧露山都司王世虎守備姚進忠戰死文詔追及於稷山諭降七百人點燈子遁帝初卽位鑒魏忠賢禍敗盡撤諸方鎮守中官委任大臣既而廷臣競門戶兵敗饑饉不能贊一策帝方銳意綜核疑其朋黨營私乃思復用中官九月庚辰遣王應朝監軍關寧張國元監軍東協王之心監軍中協鄧希詔監軍西協神一魁之黨茹成名者尤桀驁楊鶴令一魁誘殺之於耀州其黨張孟金黃友才猜懼挾一魁以叛參政張福臻帥張應昌及都司馬科擊之斬首千七百餘級友才走一魁守不下丁酉司禮太監張彝憲總理戶工錢糧又命惠文征提督京營戎政王坤監饒宣府劉文忠監饒大同劉允中監饒山西以彝憲有心計故令鈎校出入如涂文輔故事爲建寧署名曰戶工總理其權視外總督內國營提督給事中宋可久馮元勳能問元御史李世祺工部主事馮元勳及姜思睿等十餘人相繼論諫南京戶部侍郎呂維祺疏責輔臣不能匡救禮部侍郎李孫宸以召對力諫俱不聽彝憲遂按行兩部議設座於部堂工部尙書曹珖不可彝憲命郎中以下謁見工部主事金鉉再疏爭并約兩部諸僚私謁者屢唾其面彝憲愾甚元勳元勳弟也因羅喻義營與成基命錢謙益同推閣臣有物望曾進講義中及時事有左右不得其人語溫體仁欲去之論義甚不可體仁因自劾言故事惟經筵進規多於正講曰講則正多規少今喻義以日講而用經筵之制駁改不從由臣不能表率帝下吏部議喻義奏辨閔洪學等希體仁指議革職問住喻義遂罷歸路振飛陳時事十大弊曰務苛細而忘政體喪廉恥而壞官方民愈窮而賦愈亟有事急而無事緩知顯患而忘隱憂求治事而鮮治人責外重而責內輕嚴於小而寬於大臣曰喻而主日疑有詔旨而無奉行疏入詔付有司

大清兵薄錦州分五隊直抵城下吳襄宋偉出戰不勝已監軍太僕寺少卿張春會襄偉兵過小凌河東五里築壘列車營爲大凌聲援

大清兵扼長山不得進邱禾嘉遣副將張洪謨祖大樂靳國臣孟道等出戰五里莊亦不勝春等夜渡小凌河戊戌至長山距大凌城十五里

大清兵以二萬騎逆戰兩軍交鋒火器競發聲震天地春營被衝諸軍遂敗襄先走春復收潰眾立營時風起黑雲見春而縱

火風順火甚熾天忽雨反風士卒死甚厭少頃雨霽兩軍復鏖戰偉力不支亦走遂大敗春洪諛及參將楊華徵游擊薛大湖等三十三人俱被執副將張吉甫滿庫王之敬等戰沒士卒死者無算是役也禾嘉屢易師期偉與襄又不相能故大敗祖大壽守大凌城不敢出外援自此絕事聞舉朝震駭先是調禾嘉南京太僕卿以孫穀代未至而罷改命謝璉璉懼久不至兵事急召璉駐關外禾嘉留治事及是移駐松山圖再舉言官以推委貳之帝以禾嘉獨守松山非卸責戒飭而已春等諸人見我

太宗文皇帝皆行臣禮春獨植立不跪至晚遣使賜以珍饌春曰忠臣不事二君禮也我若貪生亦安用我遂不食越三日復以酒饌賜之春仍不食守者懇勸始一食令雜髮不從居古廟服故衣冠迄不失臣節而死春之被執也帝以其守志不屈遷右副都御史卹其家春妻翟氏聞之慟哭六日不食自縊死當春未死時我大清有議和意令春上書於朝春曰此事必不可言我係被執又非所宜言

大清遂不復彊會朝中有詆春降敵者誠意伯劉孔昭遂劾之乞削其所遷職朝議不從而司繫其二子死於獄點燈子屯石樓之康家山綏德知州周士奇守備孫守法伏兵舍峪渡河襲殺之冬十月辛丑朔日有食之武會試榜發命中允方達年倪元璐再試逢年元璐以時方需才請殿試傳臚悉如文榜例賜王來聘等及第出身有差武舉殿試自此始練國事王承恩圍中部久慶陽賊郝臨菴劉道江援之會曹文詔西旋與張福臻合勦賊李老柴及其黨一條龍餘黨奔摩雲谷副將張宏業游擊李明輔戰死大凌糧盡食人馬

大清屢移書招祖大壽大壽及諸將皆欲降獨何可綱不從戊辰大壽令二人掖可綱出城外殺之可綱顏色不變不發一言含笑而死大壽遂與副將張存仁等三十九人投誓書約降是夕出見以妻子在錦州請設計誘降錦州守將而留諸子於大清邱禾嘉聞大凌城破聲謂大壽得脫與吳襄及中官李明誠高起潛發兵往迎適大壽偽逃還已已俱入錦州大凌城人兵商旅三萬有奇僅存三之一悉爲

大清所有城亦被毀十一月乙亥

大清兵復攻杏山明日攻中左所城上用礮擊乃退大壽入錦州未得間禾嘉知其納款狀以聞於朝因初奏大壽突圍出前後不讎引罪請死於是言官交劾帝嚴旨飭禾嘉而於大壽欲羈縻之弗罪也會廷議山海別設巡撫詔禾嘉仍以會都御史任之令方萬藻巡撫寧遠廷臣追咎築城招撫交章論禾嘉及孫承宗承宗連疏引疾詔賜銀幣乘傳歸丙戌太監李奇茂

監視陝西茶馬呂直監視登島兵饑朝臣具公疏爭奏已召對於文華殿帝曰苟羣臣殫心爲國朕亦何需乎此輩敢莫敢對  
南京御史李曰輔疏言邇者一日遣內臣四尋又遣用五非兵機則要地也廷臣方交章而登島陝西又有兩關之遣假專擅  
之心駭中外之聽啓水火 隙開依附之門友任事之心藉委卸之口臣愚實爲寒心陛下踐阼初盡撤內臣中外稱聖昔何  
以撤今何以遣天下多故擇將爲先陛下不築黃金臺招頗牧乃汲汲內臣是遣會何補理亂之數哉帝怒諭曰輔廣東布政  
司照磨張義憲擅火器不中程劾金鉉落職時中璫勢復大振王坤至宣府以冊籍委頓劾巡按御史胡良機帝奪良機官卽  
令坤按核給事中魏呈嗣言我國家設御史巡九邊秩卑而任鉅長機在先朝以糾逆黨削籍今果有罪則有回道考核之法  
在而乃以付坤且邊事日壞病在十年九牧既有將帥又有監司既有督撫有巡方又有監視一官出增一官擾中貴之威又  
復十倍御史偶獲冥且莫自必其命誰復以國事抗者異日九邊聲息監視善惡奚從而聞之乞召還良機毋使仰鼻息於中  
貴帝以呈潤黨比貶三秩出之外 置開州復置施秉縣 閏月乙丑陝西降賊復叛陷甘泉殺知縣郭永固參政張允登力  
禦不敵死時延安慶陽大雪民饑賊益熾 流賊譚雄陷安塞據其城王承恩李卑擊降雄戮之斬首五百三十餘級 游擊  
孔有德耿仲明偏裨李九成皆毛文龍帳下卒也文龍死走入登州孫元化官遠久素言寇人可用乃授有德等官大凌城被  
圍部檄元化發勁卒泛海趨耀州鹽場示率制有德詭言風逆改從陸路赴寧遠與九戎子千總應元統千餘人以行丁卯抵  
吳橋縣人罷市眾無所得食一卒與諸生角有德扶之眾大譁九成先齎元化銀市馬壘上用盡無所償適至吳橋聞眾怨遂  
與應元謀劫有德相與爲亂連陷陵縣臨邑商河齊東巡撫都御史余大成聞之託疾不出已遣中軍沈廷瑜參將陶廷鑑往  
十二月丙子禦賊於阮城店敗績大成恐遂議撫賊會元化軍亦至元化故善西洋大礮者也至是亦主撫檄賊所過郡縣無  
邀擊賊圍德平陷青城屠新城整眾而東無敢一矢加者而陽許元化降元化師次黃山館而返賊遂抵登州張可大已食書  
南京左府登人泣雷之未行而友德反可大急往勸元化撤止之不聽次萊州遇元化復爲所阻乃還鎮元化遣將張壽帥遼  
兵駐城外可大帥南兵拒賊元化猶招降賊不應 流賊陷宜君又陷葭州僉事郭景嵩死之 總督三邊侍郎洪承疇巡撫  
延綏都御史張福臻督曹文詔楊嘉謨及游擊左光先崔宗元李國奇等分剿綏德宜君清澗米脂賊戰於懷寧川思泉峪綿  
湖峪封家溝皆大捷掃地王授首時張獻忠羅汝才已就撫復叛入山西帥羣賊焚掠寧鄉石樓稷山聞喜河津聞汝才賊號  
曹操者也 曹文詔張應昌偕參政戴君恩討神一魁於寧塞數敗賊棄城走又擊敗之騎馬溝一魁誅死黃友才尋爲應  
昌所禽 言者追論孫承宗丁丑奪官閒任并奪寧遠世蔭貶邱禾嘉二秩巡撫如故承宗復列上邊計十六事極言禾嘉軍

舉朝驚駭言官爲申救不聽卒坐三人贖徒三年 混天猴陷鄆州兵備副使郭應璽戰死 吳姓効杜文煥殺延川難民冒  
功給事中張承詔復劾之下獄奪職 徐從治等爲賊困惟王道純在外調度賊遣人僞乞無道純焚書斬使馳疏言萊州被  
圍我軍屢挫安能復戰乞速發大軍拯此危土周延儒及吳部尙書熊明遇惑余大成撫議道純反被責讓明遇遣職方主事  
張國臣贊畫軍事曰安輯遼人之在山東者以國臣亦遼人也國臣至萊先遣廢將金一鯨入賊營已而國臣亦入招諭賊陽  
許之國臣遣一鯨還報曰毋出兵壞無局從治等知賊詐叱退一鯨從治遣間使三上疏力言賊不可撫毋爲國臣所誤時外  
間日急劉國柱王洪及山東援軍俱賴昌邑不取進於是廷議更設總督一人三月壬寅以兵部侍郎劉宇烈任之調薊門四  
川兵統以總兵官鄧玘調密雲兵統以副將牟文綬右布政使楊作楫監之援萊州 紅軍友李都司杜三楊老榮者神一魁  
餘黨也屯鎮原將犯平涼練國事自涇趨固原檄楊嘉謨及副將王性善扼之嘉謨殺賊塘馬斷其偵探賊乃走慶陽曹文詔  
從鄆州間道與嘉謨性善合大戰西濠斬千級生禽杜三楊老榮餘黨糾他賊掠武安監陷華亭攻莊浪屯張麻村官軍掩擊  
之賊走高山游擊曹變蛟馮舉劉成功平安等謀而上賊潰走變蛟文詔從子也 督理山東軍務侍郎劉宇烈監軍楊作楫  
王道純及劉國柱王洪鄧玘副將劉澤清參將劉永昌朱廷祿監紀推官汪惟效監視中官呂直等並集昌邑祀國柱洪澤清  
等至萊州馬步軍二萬五千氣甚盛而宇烈無籌略抵沙河日遣人入賊中議無縱還所獲賊陳文才賊盡得官軍虛實益以  
撫約之而潛兵繞其後盡焚輜重宇烈懼夏四月甲戌走青州撤國柱洪祀三將兵就食祀等夜半拔營散賊乘之大敗國柱  
洪走青維祀走昌邑澤清接戰於萊城傷二指亦敗走平度惟作楫能軍事聞舉朝譁然熊明遇見官軍不可用無議益堅先  
是張可大死以副將吳安邦代之安邦尤怯純取仲明揚言以城降連信之離登二十五里而軍中軍徐樹賢薄城被禽安邦  
走寧海矣未徐從治中噉死萊人大臨守陣者皆哭 王性善偕副將李鴻圖參將莫與京等共擊賊敗之威靈關又敗之關  
上嶺追至龐安與楊嘉謨曹變蛟夾擊復敗之賊餘眾數千欲走漢南爲游擊趙光遠所遏乃由長寧驛走張家川其逸出清  
水者副將蔣一陽遇之敗卻司李宮用被執曹文詔乃縱反間給其黨殺紅軍友遂寢敗之水落城賊奔據唐毛山變蛟先登  
殲其眾 張福臻帥參政樊一藩及艾萬年馬科賀人龍等討不沾泥守備孫守法禽之 金鉉馮元慶之劾張彝憲也彝憲  
疑出曹玘日拒撫其隙始劉宇烈爲山東巡撫請料價萬五千兩鉛五萬斤工部無給銀例與鉛之半宇烈怒奏鉛皆濫惡彝  
憲取竊鉛進曰庫鉛盡然欲以罪玘嚴旨盡銷庫鉛司官中毒死者三人內外官多獲罪彝憲乃糾巡事科道許國榮等十一  
人玘疏救忤旨詰責彝憲又指鬬工冒破騎斃之玘屢疏乞歸五月得請去 丙午參政朱大典爲僉都御史巡撫山東詔駐

原书缺页

原书缺页

青州 辛亥禮部尙書鄭以偉徐光啓並舉東閣大學士預機務以偉修潔自好書過目不忘文章與博而稟擬非其所長章疏中有何況二字誤以爲人名也擬旨提問帝駭改始悟自是詞臣爲帝輕閣臣不專用翰林矣光啓雅負經濟才有志用世年已老不能有所建曰 李世祺言諸臣言未當輒蒙詰責詰責不已貶黜隨之者皆前瞻後顧恐干嚴譴依阿得策模稜直搗心折權幸禍寧可復見且君職要臣職詳天子一日萬幾神太遲則疲精太用則竭一言之謬一事之訛必待聖明摘發無乃主獨勞臣獨逸乎聖人爲治責其人不侵其事課其效不察其權需之歲月幽謐之理自致奚必效後世察察之治哉帝不能用 山東士官南京者合疏攻劉宇刻請益兵於是調昌平兵三千以總兵官陳洪範統之洪範亦遼人也天津舊將孫應龍者大言於眾曰我與耿仲明兄弟善能令其縛孔有德李九成來巡撫鄭宗周予之兵二千從海道往仲明聞之僞面他死人頭給之曰此有德也應龍帥舟師抵水城賊延之入猝縛斬之無一人脫者賊得巨艦勢益張黃龍攻之不克而還賊遂破招遠圍萊陽知縣梁衡固守賊敗去 六月京師大水 王申河決孟津 華允誠以溫體仁問洪學龍政疏陳三大可惜四大可憂言當事借陛下剛嚴而佐以舞文擊斷之術倚陛下綜核而逞其訟連遲算之能以聖主圖治之盛心爲諸臣闕智之捷徑可惜二師屬大驚驚魂於同奏詔駁重臣奔走於接本守科遂使直指風裁徒徵事件長吏考課惟問錢糧以多士靖共之精神爲案牘鉤較之能事可惜二朝堂不以人心爲憂政府不以人才爲重四海漸成土崩瓦解之形諸臣但有角戶分門之念意見互觴議論滋擾遂使勦撫等於築舍用舍有若舉若以興邦啓聖之歲時爲卽驚從味之舉動可惜三人主所以總一天下者法令也義師誤國之王化貞與楊鶴異辟潔己愛民之余大成與孫元化並進一言一事之偶誤執訊隨之遂使刑罰不中鉅鉞無威一可憂也國家所恃以爲元氣者公論也直言敢諫之士一鳴輒斥指佞薦賢之章目爲奸黨不惟不用其言并錮其人又加之罪遂使喑默求容是非共蔽二可憂也國家所賴以防維者廉恥也近者中使一遭妄自尊大羣僚趨進惟恐後時陛下以近臣可倚而不知停寶已闕以提縱惟吾而不知屈辱士大夫已甚遂使阿諛成風善惡盡喪三可憂也國家所藉以進賢退不肖者銓衡也我朝罷丞相以用人之權歸之吏部閣臣不得侵焉今次輔體仁與冢臣洪學同邑朋比惟冀己之驅除閣臣兼操吏部之權吏部惟阿閣臣之意造門請命夜以爲常黜陟大柄祇供報復之私甚至庇同鄉則逆黨公然保舉而白簡反爲罪案排正類則講官借題遙逐而薦剋遂作爰書陛下惡諸臣之欺欺莫大於此矣怒諸臣之擅擅莫專於此矣厭諸臣之黨黨莫固於此矣威福下移舉措倒置四可憂也疏入帝詰其別有指使允誠乃列上洪學徇私數事且言體仁生平珍寶塗顏廉隅掃地陛下排眾議而用之意其倖直寡諧豈知包藏禍心陰肆其毒又有如洪學者爲之羽翼偏

植私人戕盡善類無一人敢犯其鋒臣復受何人指使帝以體仁純忠亮節摘疏中捏定機關語再令陳狀允誠復言二人朋比舉朝共知帝亦悟二人同里有私乃奪允誠俸半年而洪學復爲路振飛所劾尋亦罷去 秋七月辛丑太監曹化淳提督軍營戎政 劉宇烈復至昌邑陳洪範牟文綬等亦至萊州推官屈宜陽請入賊營講撫賊陽禮之宜陽使言賊已受命宇烈奏之得請乃手書諭賊令解圍賊邀宇烈宇烈懼不往營將嚴正中昇龍亭及河賊擁之去而令宜陽還來請文武官出城開讀圍即解楊御蕃力言不可謝璉曰圍且六月既已無可奈何宜且從之壬寅偕朱萬年及監視中官徐得時翟昇出孔有德叩頭扶伏涕泣交頤連慰諭久之而還癸卯賊復令宜陽入請璉御蕃同出御蕃曰我將家子知殺賊何知撫事璉等遂出有德執之萬年曰爾等執我無益盡以精騎從我呼守者出降賊乃以五百騎擁萬年至城下萬年大呼曰我被禽誓必死賊稍銳盡在此急發礮擊之毋以我爲念御蕃不忍萬年復頓足大呼賊怒殺之城上人見之遂發礮賊死過半賊送璉得時昇至登州囚之正中宜陽皆死帝聞震怒逮宇烈不獄召王道純還用李繼貞言調關外兵入剿罷總督及登萊巡撫不設專任朱大典宇烈既下吏引道純分過道純疏駁其所奏十餘事帝命所司并按道純又劾熊明遇張國臣交通誤國十罪語侵周延儒疏未下延儒洩之國臣國臣亦劾道純十罪帝皆不問

大清兵入宣府巡撫沈榮與監視中官王坤等遣使議和饋金帛牢體師乃旋事聞帝惡榮專擅召對熊明遇等於平臺明遇曲爲榮解帝不悅逮榮下吏給事中孫三杰力詆明遇榮交關誤國同官陳贊化呂黃鐘御史趙繼鼎連劾之明遇再疏乞罷帝責以疏庸債事命解任候勘尋以故官致仕 給事中趙東曦言宣塞失事陛下赫然震怒逮巡撫沈榮罷本兵熊明遇乃監視王坤方會飲城樓商榷和議邊臣倚庇欺蔽日甚坤不得辭扶同罪反修邊烽已熄爲己功且請代夫內臣之遺陛下問一用之非不易之典今卽盡撤之猶謂不早坤顧請代圖彌縫於去後願陛下正坤罪撤各使還京帝言宜鎮撫和實坤奏發何謂欺隱謫東曦福建布政司都事 劉宇烈視師無功言路指周延儒庇宇烈孫三杰馮元綱及御史余應桂衛景瑗尹明翼王象雲等屢劾延儒應桂並謂延儒納巨盜神一魁暗給事中李春旺亦論延儒當去延儒數上疏辨帝慰留之 己未孫元化東市 王化貞棄市 混天猴攻合水李車馬科追至甘泉山破之延水關其地東限黃河賊溺死者無算科部卒斬混天猴 可天飛郝臨卷劉道江爲王承恩所敗退保鐵角城獨行狼李都司走與合可天飛劉道江再圍合水曹文詔往救賊體精銳以千騎逆戰誘抵南原伏大起城上人言曹將軍已沒文詔持矛左右突匹馬縈萬眾中諸軍望見夾擊賊大敗偃屍蔽野餘走銅川橋文詔帥曹變蛟馮舉楊嘉謨帥參將方茂功等追及之大戰陷陳賊復大敗尋與賀虎臣楊麒破賊甘泉之

虎兇凶麒復追賊安口河崇信塞白茅山皆大獲八月甲戌洪承疇斬可天飛李都司於平涼降其將白廣恩巡撫山東都御史朱大典督主客兵數萬合勦孔有德以副將靳國臣劉邦域參將祖大弼祖寬張韜游擊柏承福及故總兵吳襄襄子三桂等關外兵四千八百餘人令總兵官金國奇師之中官高起潛監護軍懷抵德州賊復犯平度副將何維忠牟文綬等救之殺賊魁陳有時維忠亦被殺巡按監軍御史謝三賓請斬逃帥王洪劉國柱詔逮治之己三賓又請絕口勿言撫事國臣大爾寬韜至昌邑大典獲賊書約國臣等爲內應大典以示國臣等皆誓滅賊以自明乃分兵三路用國臣寬等爲前鋒鄧紀步兵繼之從中路灰埠進陳洪範及副將劉澤清方登化從南路平度進參將王之富王文偉等從北路海廟進檄游擊徐元亨等帥萊陽師來會以文綬守新河諸軍皆持三日糧盡抵新河東岸亂流以濟甲申至沙河有德迎戰寬先進承福不敵稍卻會國臣至拔刀大呼直前寬大弼韜殊死戰大敗賊兵諸軍乘勝追至城下賊夜半東遁乙酉萊州圍解南路兵始至國臣等進兵黃縣癸巳賊傾巢出戰復大敗之斬首萬三千俘八百逃散及墮海死者數萬有德竄歸登州李九成殺謝連及徐得時翟昇官軍進築長圍守之淫雨損山陵昌平地動李世祺言輔理精神爲固寵之用國家緩急無可恃之人願撤回各邊監視以明陰不干陽之分然後采公論以進退大臣酌情事以衡量小臣釋疑忌之根開功名之路庶天變可回時艱可濟帝以借端瀆奏切責之建義諸口築塞未成河水大發黃淮奔注興化鹽城爲壑海潮復壞范公隄死者無算賊見陝西兵盛多流入山西巡撫宋統殷下令殺賊者抵死王自用混世王姬關鎮張獻忠羅汝才闖塌天興加哈利七大部多者萬人少亦半之分道四出陷大寧已連陷隰州澤州壽陽王肇生以便宜署欽人吳開先爲將使擊賊戰澤州城西賊敗去從沁水轉掠陽城開先恃勇渡沁戰北雷墩下擊斬數百人噉盡無援一軍盡沒賊乃再犯澤州里居參政張光奎與兄守備光璽千總劉自安等帥眾固守八日援兵不至城陷並死之澤大州也全晉震動朝廷聞警罷統殷以許鼎臣代之與宣大總督張宗衡分督諸將宗衡督虎大威賀人龍左良玉等兵八千人駐平陽責以平陽澤潞四十一州縣鼎臣督張應昌顧希牧艾萬年等兵七千人駐汾州責以汾太沁遼三十八州縣自用欲因故錦衣衾事張道濬求撫約未定官兵襲之賊怒敗約去九月丁酉海盜劉香寇福建巡撫都御史鄒維璉遣游擊鄭芝龍擊破之浙江巡鹽御史祝徽廣西巡按御史畢佐周並擅撻指揮事聞帝方念疆場多故欲倚武臣旨下參覈左都御史陳于廷等言軍官起世胄率不循法度概列彈章將不勝擾故小故薄責以懲凡御史在外者盡然不自二臣始帝以指揮秩崇非御史得杖令會兵部稽典制以聞而杖指揮無故事乃引巡撫敕書提問四品武職語以對帝以比擬不倫責令再核于廷等終右御史所援引悉不當帝意疏三上三卻遂削于廷籍于廷端亮有

守周延儒其里人無所附麗與溫體仁不合故獲重譴賊之破澤州也分其眾入河南掠濟源清化圍懷慶廷議令副將左良玉將昌平兵往剿薦事姚希孟爲東林所推以才望爲講官韓爌等定逆案參其議羣小遂惡希孟溫體仁亦惡其逼及華允誠劾體仁體仁疑出希孟手會希孟主順天鄉試有武生二人冒籍中式爲給事中王猷所論體仁遂擬旨覆試黜兩生下所司論考官罪擬停俸半年體仁意未慊令再擬乃貶希孟爲少詹事掌南京翰林院馮元慶言希孟孤忠獨立不當奪講官不聽體仁荷帝殊寵益枝橫而中阻深所欲推薦陰令人發端已承其後欲排陷故爲寬假中上所忌激使自怒帝往往爲之移初未嘗有跡十一月戊戌劉香寇浙江官軍圍登州分番戍賊不能出發大礮官軍多死傷會李九成出搏戰降者洩其謀官軍合擊之賊九成於陳賊乃曉夜哭孔有德欲棄登州入海黃龍遣副將龔正祥帥舟師邀之廟島颶風破舟正祥陷賊中後居登州謀爲內應事露被殺是月金國奇卒以吳襄代之曹文詔及副總兵張全昌參將馬科擊賊龍川平鳳間三戰三敗之遂蹙賊耀州錐子山其黨殺獨行狼郝臨菴以降洪承疇戮四百人餘散遣關中稍靖練國事免戴罪時關中五鎮大帥各督邊軍協勦承疇尤善調度賊魁多獵巡按御史范復粹彙奏首功凡三萬六千六百有奇文詔功第一楊嘉謨次之王承恩楊麒又次之文詔在陝諸戰功承疇不爲敘吳姓推獎甚至及粹復疏上兵部抑其功卒不敘初唐王碩曠惑於嬖人囚世子器璫及其子聿鍵於承奉司聿鍵年二十八未請名器璫中毒死乃立聿鍵爲世孫碩曠聿鍵嗣封唐王御史祁彪佳上合籌天下全局疏以策關密制登海爲二大要分析中州秦晉之流賊江右楚粵之山賊浙閩東粵之海賊滇黔楚蜀之土賊爲四大勢極陳控制駕馭之宜而歸其要於戢行伍以節饑實衛所以銷兵復陳民間十四大苦曰里甲曰虛糧曰行伍曰搜贓曰欽提曰隔提曰許訟曰竊訪曰私稅曰私鑄曰解運曰馬戶曰鹽丁曰難民帝善其言下之所司阿迷州土官普名聲素驕恣巡按御史趙洪範按部名聲不出迎已出戈甲旗幟列數里洪範大怒謀之巡撫王伉請討得旨名聲遂作亂謀三路出兵至昆明會戰令頭目何天衢自維摩羅平入以礮手三百人助之天衢慨然曰此大丈夫報國秋也吾豈爲逆賊用哉坑殺礮手數十人帥眾歸附伉上其事授爲守備名聲已陷彌勒州聞之大懼急撤兩路兵歸官軍進圍州城名聲使人約降而陰以重賄求援於元謀土官吾必奎時必奎隨官軍征勦與名聲戰兵始合陽敗走官軍望見途大潰布政使周士昌戰死名聲遂陷曲江所攻臨安及寧州監紀同知楊于陞副將秦拱明皆敗死遠近震動朱雙元遣兵臨之伉以敗礮速治名聲乃就撫賊寇修武清化者竄入平陽左良玉入山西禦之河南巡撫樊尙瑋請以良玉駐澤州扼豫晉咽喉可四面爲援兵詔從之並令良玉受尙瑋節制與曹文詔同心討賊有急則秦兵東豫兵西良玉從中橫擊賊入磨盤山分眾爲三

聞正虎據交城文水窮太原邢紅狼上天龍據吳城窺汾州王自用張獻忠突沁洲武鄉陷遼州知州李呈章里居主事張友程行人楊于楷等並死之

六年春正月九世祿李卑賀人龍等至王自用棄城去諸軍入城多殺良民冒功卑獨嚴敵其下無所擾御史張宸極言賊自秦中來秦將曹文詔成名素著士民爲之謠曰軍中有一曹西賊聞之心膽搖且嘗立功晉中而秦賊滅且盡宜敕令入晉協勦癸卯命文詔節制山陝諸將討賊文詔抵霍州敗賊汾河孟縣追及於壽陽巡撫都御史許鼎臣遣謀士張宰先太軍營賊賊驚潰游擊猛如虎敗之黑山覆姬關鎮軍庚申遣使分督直省通賦修撰陳子泰疏陳時弊王坤狂躁敢言承溫體仁指上疏力詆子泰謂其盜竊科名并劾周延儒庇于泰吏部尚書李長庚帥同列言陛下博覽古今會見有內臣參論輔臣者否自今以後廷臣拱手屏息豈盛朝所宜有臣等溺職祈賜譴斥終不忍開內臣輕議朝政之端流禍無窮爲萬世口舌給事中傅朝佑言中官不當劾首揆輕朝廷疑有邪人交構御史李日宣亦帥同官言之帝皆不問左副都御史王志道言近者內臣舉動幾於手握皇綱而輔臣終不敢一問至於身被彈擊猶忍辱不言何以副明主之知皆責備延儒欲以動帝帝怒二月壬申削志道籍延儒不能救時帝方一意用內臣故言者多得罪癸酉流賊犯畿南據臨城之西山大掠順德真定間大名兵備副使盧象昇擊卻之孔有德耿仲明等屢爲官軍所敗又糧絕有德先遁載子女財帛入海仲明以水城委副將王秉忠己亦以單騎遁官軍遂入大城攻水城未下游擊劉良佐獻轟城策匿人永福寺中穴城置火藥發之城崩將士踴入輒爲賊擊退副將王來聘復先登中傷而死戊子陳洪範等克水城賊退保蓬萊閭朱大典招降始釋甲俘千餘人獲秉忠及僞將七十五人自縊及投海死者不可勝計辛卯山東平有德等走旅順黃龍周文郁邀擊之有德幾獲而逸斬李應元生禽毛承祿蘇有功陳光福及其黨高志祥等十六人獲首級一千有奇奪還婦女無算獻俘於朝欒之傳首八邊復龍官戍劉宇烈余大成斥王道純爲民賊自邢臺摩天嶺山下抵武安大敗左良玉兵守備曹鳴鶚戰死遂犯輝縣知縣張克儉乘城固守賊不能下三日乃去曹文詔追賊西堰斬混世王於碧霞村猛如虎與賴希牧逐賊餘黨壽陽東賊遇文詔兵方山復敗五臺孟定襄壽陽賊盡平許鼎臣命文詔軍平定備太原東張應昌軍汾州備太原西如虎又與陳國軍馬杰破來遠寨從文詔連敗賊太谷范村榆社太原賊幾盡帝以文詔功多敕所過地多積糗糧以犒山西總兵官張應昌在關中威名甚著及是選儒還撓張宗衡五檄之不赴奏諸朝三月癸巳敕限應昌與曹文詔三月平賊應昌避賊不擊殺良民冒功爲巡按御史李嵩給事中祝世美所劾縣令將行取者詔戶部先核其錢穀徵賦不及額不得考選給事中周瑞豹考選而後完賦帝怒貶

謫之命如瑞豹者悉以聞於是給事中熊開元御史鄭友元等並貶二秩調外畢自嚴爲友元辨帝益怒下自嚴獄御史李若  
譴疏救不納尋給事中吳甘來復論救乃釋之 賊從河內上太行曹文詔大敗之澤州賊走潞安文詔至陽城遇賊不擊自  
沁水潛師還擊之芹池劉村寨斬首千餘張道潛設伏三纏凹禽其渠滿天星等 賊再入河內左良玉自輝縣逐之賊奔修  
武殺游擊越效忠追參將陶希謙希謙墜馬死良玉擊之萬善驛至柳樹口大敗之禽賊首數人賊遂西奔 夏四月己巳免  
延安慶陽平涼新舊遠饑 河南額兵僅七千數被賊折亡殆盡左良玉將昌平兵二千餘勢孤甚壬申命鄧玘將四川兵往  
以石砭土司馬鳳儀兵益之又命昌平副總兵湯九州協剿 賊屯潤城其他部陷平順知縣徐明揚不屈死曹文詔至賊乃  
走文詔夜半襲潤城斬賊千五百王自用老獬獨自榆社走武鄉過天星走高澤山文詔皆擊敗之 五月乙巳太監陳大金  
閻思印謝文舉孫茂霖等分監曹文詔張應昌左良玉鄧玘軍 盧象昇與總兵官梁甫參議寇從化連敗賊賊走遷西山圍  
游擊董維坤冷水村象昇設伏石城南大破之青龍岡又破之武安連斬賊魁十一人殲其黨收還男女二萬象昇雖文士嫻  
將略能治軍每臨陣身先士卒與賊格鬪刀矢皆弗顧失馬即步戰嘗逐賊危崖一賊自巔射中象昇額又一矢僕夫幾馬下  
象昇提刀戰益疾賊賊走相戒曰盧廉使遇即死不可犯大名廣平順德三郡之民安堵者數歲 壬子孔有德耿仲明等帥  
士卒二萬航海降於我

大清

插漢虎墩兔合套寇五萬騎自清水橫城分道入犯守備姚之夔等不能禦沙井驛副將史開先臨河保參軍張問政

岳家樓守備趙訪皆潰逃寇遂進薄靈州寧夏總兵官賀虎臣急領千騎入守旋盡勒城中兵出擊次大沙井癸丑寇從漢伯

堡突至虎臣軍未及陳且眾寡不敵遂戰沒詔起馬世龍 一亥俞月始去賊犯沁水曹文詔大敗之禽其魁大虎又敗之遂

城毛嶺時陳國威擊賊介休之紅山嶺虎大威及猛如虎等殲其 九條龍李卑敗賊陽城之郎家山又與艾萬年連敗之南

獨泉土河村復敗之蒞堰村賀人龍連敗賊水頭鎮花池塞湯湖村劉光祚連敗賊石樓臨縣永寧撲天飛等詐降光詐設伏

斬之官兵屢戰皆大捷賊避文詔鋒多去山西通據輝林武涉山中許鼎臣令文詔自黎城入大威如虎自皋落山入剿東犯

之賊 鄧玘至濟源射殺王自用於善陽山賊走隰州玘拒之彭城鎮又與左良玉擊賊清池柳莊賊走林縣玘部將楊遇春

邀賊中伏死賊用其旗幟誘殺他將自是輕犯會帝命曹文詔移師河北文詔率五營軍夜襲破之 六月辛酉朔太監高起

潛監視寧錦兵饑 乙丑鄭以偉卒贈太子太保諡文恪 溫體仁喉給事中陳贊化劾周延儒昵武弁李元功等招搖圖利

言陛下特恩停刑元功以爲延儒功索獄囚賕謝而延儒至目陛下爲義皇上人此成何語帝怒下元功錦衣衛獄且窮詰贊

化語所自得贊化言得之上林典簿姚孫渠給事李世祺而副使張鳳翼亦具述延儒語帝益怒錦衣衛帥王世盛拷掠元功無所承獄上薦世盛五級令窮治其事延儒與體仁爲援體仁卒不應且陰黜與延儒善者延儒大困引疾乞歸庚辰許致仕甲申延儒副將李卑援剿河南時賊勢已熾懷慶彰德衛輝三府焚劫始徧洛王常芳上疏告急兼請衛鳳泗陵寢詔遣總兵官倪寵王模帥京營兵六千人往以太監楊應朝盧九德監其軍李繼貞言左良玉李卑身經百戰位反在寵模下恐圖而解體乃命良玉卑爲援剿總兵官與龍等合剿賊聞之欲從河內走太行曹文詔邀擊之不敢進高迎祥李自成張獻忠羅汝才老回回等俱奔河北合營庚寅張彝憲言天下連賊至一千七百餘萬請遣科道官督徵帝大怒責無按回奏給事中范淑泰言民貧盜起道賊難以督追不聽紅夷襲陷廈門城大掠鄉維捷急發兵水陸進參政會櫻請用鄭芝龍爲軍鋒芝龍焚其三舟官軍傷亦眾寇乃泛舟大洋轉掠香港荊嶼石灣巡按御史路振飛劾于金剛將士諸將禦之銅山連戰數日始敗去黃龍之邀擊孔有德等也賊大憤欲報之會賊舟泊鳴綠江龍盡發水師赴剿秋七月有德等偵知旅順空虛引大清兵來襲龍數戰皆敗火藥矢石俱盡甲辰語部將譚應華曰故賊我寡今夕城必破若速持吾印送登州應華出龍帥李維鸞等力戰圍急知不能脫自剄死維鸞及諸將項祚臨樊化龍張大祿尚可義俱死之

大清兵遂取旅順曹文詔在洪洞時與里居御史劉令譽忤及是令譽巡按河南會馬鳳儀軍敗沒於侯家莊文詔馳退賊甫解甲與令譽相見語復相失文詔拂衣起面叱之令譽怒遂以鳳儀之敗爲文詔罪部議文詔怙驕而驕癸丑改文詔大同總兵官許鼎臣請留文詔剿賊不許鼎臣又言晉賊王自用雖死老狗猶過天星大天王蝎子塊闖塌天諸渠未滅曹變蛟驍勇絕人才乃文詔亞乞雷之晉中許之左良玉鄧玘破賊於官村沁河清化萬善良玉又扼之武安八德斬獲尤多七月己巳曹文詔大敗賊懷慶柴陵村賊其魁張地龍又追斬老狗獠於濟源九月庚戌南京禮部侍郎錢士升爲禮部尚書兼東閣大學士預機務周延儒既罷廷臣惡溫體仁當國勸帝復召何如寵如寵屢辭給事中黃紹傑言君子小人不並立如寵瞻顧不前則體仁宜思自處帝爲滿紹傑於外如寵卒辭不入體仁遂爲首輔南京御史郭維經言執政不思無才患有才而用之排正人不用之籌國事國事日非則委曰我不知坐視盜賊日猖邊警日急止與二三小臣爭口舌角是非平章之地幾成聚訟可謂有才耶帝切責之大學士徐光啓以病辭脩務以山東參政李天經代之左良玉湯九州與京營兵共擊賊良玉敗之濟源河內又敗之永寧青山嶺銀洞溝又自葉縣追至小武當山皆斬賊魁甚眾時倪寵王模梁甫鄧玘良玉九州諸軍足殄賊諸將勢相軋彼此觀望託山深道歧以自解莫利先入又各有內侍爲監軍事易掩飾所報功多不以實諸監軍

多侵剋軍資臨敵輒擁精兵先遁諸將亦恥爲之下緣是皆無功 冬十月戊辰徐光啓卒贈少保諡文定 帝素服御建極殿論囚召閣臣商榷再三諮問溫體仁無所平反陝西華亭知縣徐兆麒抵任七日以城陷坐死帝心憫之體仁不爲救 給事中莊龍憲上太平十二策極論東廠之害忤旨貶浙江布政司照磨 鄧玘移師畿南敗賊白草關賊犯平山玘敗之紅子店馬種川賊遁青石嶺敗之紅澗村醉漢口犯臨城敗之魚桂嶺張應昌會剿畿南監視中官劉允中劾其僞報首功巡按御史馮明玠眞定巡撫周堪屢又劾之帝令應昌圖功自贖 十一月癸巳禮部侍郎王應熊何吾驥俱禮部尙書兼東閣大學士預機務應熊銘刻疆徼人多畏之以酗酒貪污屢爲馮元慶所劾廷推望輕不與溫體仁力援之特旨與吾驥並入命下朝野胥駭給事中章正宸言應熊驕慢自張縱橫爲習小才足覆短小辨足濟貪今大用必且芟除異己報復恩讎混淆舉廢混狼藉封靡倫於市行願收還成命別選忠良且訛言謂左右先容由他途以進使天下薰心捷足之徒馳驟而起爲聖德累不小帝大怒下正宸錦衣獄拷訊削籍歸 賊之合營河北也左良玉湯九州等扼其前京營兵蹙其後連戰於青店石岡石坡牛尾柳泉猛虎村屢敗之賊欲逸阻於河大困張妙手賀雙全等三十六家詭詞乞降於分巡布政使常道立楊應朝爲之入奏諸將俟朝命不出戰先是給事中李夢辰慮賊南犯請敕河南諸道監司急防渡口移巡撫駐衛輝與山西保定二巡撫犄角急擊帝下兵部議辛亥詔保定河南山西會兵勦賊會天寒河冰合壬子賊突從毛家寨策馬徑渡諸軍無扼河者乙卯陷通池十二月連陷伊陽盧氏盧氏知縣棄城遁里居士事李正中力戰死舉人靳謙吉被執不屈死中州承平久不設備驟聞賊至吏民惶駭巡撫都御史元默帥良玉九州李卑鄧玘兵待之境上嵩洛以南名城數十賊避不敢攻乃竄盧氏山中由問道犯內鄉知縣艾毓初程大礮名滾地龍者於城外城中燃線發之賊死無算遂解去分路南陽汝寧入棗陽富陽陷鄖西上津而是時畿輔賊亦南遁 元默帥湯九州乘雪夜大敗過天星於吳城鎮追敗闖天王等五華集斬首千餘 先是巡撫延綏都御史陳奇瑜遣參政張伯鯨戴君恩巡檢羅聖楚副將盧文善游擊常懷德羅世勛都司賀思賢守備閻士衡郭金城郭太把總白士祥及他將禽斬賊魁百七十七人及其黨千有奇羣賊多解獨鑽天哨開山斧據永寧關數年不下奇瑜謂是不可以力取乃陰簡銳士陽言總制檄發兵令都司賀人龍將之而西身爲後勁直抵延川俄策馬東向偕師疾走入山賊不虞大兵至驚潰焚其巢斬首千六百有奇二賊俱馘分兵擊斬一座城延水羣盜盡平奇瑜威名著關陝 析和平長靈河源及翁源縣地置連平縣復升爲州以和平河源二縣改屬之析平遠縣地置鎮平縣以程鄉縣地益之 初山西既中賊其土寇亦乘間起三關王剛孝義通天柱臨縣王之臣皆殘破城邑後見賊衰相繼歸順然陰結黨不散巡撫都御史戴君恩新視事